



Sarajevo, 26.decembar 2008.godine

## IZVJEŠTAJ O REALIZACIJI SAOBRAĆAJNO-PREVENTIVNE KAMPANJE „SIGURNOST DJECE U SAOBRAĆAJU“

Na osnovu usvojenog Programa saobraćajno-preventivnih aktivnosti za 2008. godinu, kao i obaveza preuzetih potpisivanjem Europske Povelje o cestovnoj sigurnosti, Bosanskohercegovački auto-moto klub BIHAMK u periodu od 11. do 24. decembra 2008. godine realizovao je saobraćajno - preventivnu kampanju **Povećanje stepena sigurnosti djece u saobraćaju smanjenjem velikog broja povrijeđene i poginule djece putem organiziranja predavanja o ponašanju djece u saobraćaju u osnovnim školama “Sigurnost djece u saobraćaju”**.

Predavači su na popularan i moderan način animirali učenike da se aktivno uključe u realizaciju ovih saobraćajno-preventivnih aktivnosti, koje su se sastojale od predavanja sa prezentacijom i kratkog kviza iz poznavanja saobraćaja, u okviru kojeg su učenici koji su pokazali odlično poznavanje problematike sigurnosti saobraćaja dobili i adekvatne nagrade (koturaljke i štitnici za ruke i noge).

Svi učenici, učesnici akcije dobili su prigodne poklone (lenjiri, Revije BIHAMK Auto i sl.) i publikacije sa edukativnom namjenom: bojanke „Sigurnost djece u saobraćaju“ i brošure „Pravila sigurnog ponašanja u saobraćaju“, sa sadržajima prilagođenim osnovnoškolskom uzrastu i specijalno izrađenim za ovu akciju.

Tokom akcije u okviru dječijeg časopisa „Vesela sveska“ djeci je podijeljen letak sa odgovarajućim kratkim uputama i savjetima kako se ponašati u saobraćaju.

Osim toga, predstavnicima svih škola u kojima su realizovane ove saobraćajno-preventivne aktivnosti javno su dodijeljena bicikla i kacige za buduću edukaciju učenika u okviru školskih saobraćajnih sekcija.

Predavanja su realizovana u skladu sa slijedećim Programom:

- Upoznavanje sa BIHAMK-ovim aktivnostima na polju saobraćajne preventive
- Pravila sigurnog ponašanja u saobraćaju (prelazak ceste, ponašanje u vozilima javnog prevoza,...)
- Sigurno kretanje pješaka i biciklista u saobraćaju sa savjetima (katadiopteri, način odjevanja,...)
- Važniji saobraćajni znakovi, elementi signalizacije i položaj policajca u raskrsnici
- Pravila saobraćaja u raskrsnici
- Značaj vezivanja u vozilima

- Značaj korištenja zaštitne kacige za bicikliste i motocikliste sa demonstracijom (demonstrativna mini kaciga)
- Grupno testiranje učenika (eliminatorski kviz) i nagrade za učenike koji pokažu najbolje rezultate (fond pitanja iz publikacije Testovi „Poznavanje saobraćaja“ i elemenata predavanja koje je predhodilo)



Akcija je realizovana u saradnji sa Osnovnim školama, kao i saradnicima BIHAMK-a a prema slijedećem planu:

Datum	Mjesto i termin
ČE 11.12.'08.	-MRKONJIĆ GRAD(OŠ „I.G.Kovačić”)-10.30 -BIHAĆ (OŠ „Kamenica”)-14.30
PE 12.12.'08.	-CAZIN (OŠ „Liskovac”)-10.30
PO. 15.12.'08.	-OLOVO (OŠ „Olovo”)-10.00 -ZENICA (OŠ „M. Ć. Ćatić”)-13.00 -ZENICA (KŠC „Sv. Pavao”)- 15.00
UT. 16.12.'08.	-GORAŽDE (OŠ „Ustikolina”) – 12.30
SR. 17.12.'08.	-JABLANICA (OŠ „Huso Ćilić”) – 14.30 -MOSTAR (OŠ „Bijelo Polje”) – 11.00
ČE. 18.12.'08.	-KLADANJ (OŠ „Kladanj”) – 10.30 -TUZLA (OŠ „Pasci”) – 13.30
PE. 19.12.'08.	-SARAJEVO (OŠ „M. Selimović”) -12.30
PO. 22.12.'08.	-SARAJEVO (OŠ „Malta”) – 13.00
UT. 23.12.'08.	-SARAJEVO (OŠ „Nafija Sarajlić”)-14.00
SR. 24.12.'08.	-TRAVNIK (OŠ „Turbe”) – 10.00 -BUGOJNO (2. OŠ „Bugojno”) – 13.00

Zahvaljujući dobro obavljenim pripremnim aktivnostima, na predavanja se odazvao znatno veći broj učenika ali i nastavnog osoblja od očekivanog broja. U pojedinim školama (Olovo i Kladanj) predavanje je pratilo i preko 400 učenika sa kompletnim

# BIHAMK



nastavnim osobljem, dok je u prosjeku po školama predavanjima prisustvovalo preko 200 učenika. Akcijom je direktno obuhvaćemo oko 3.500 učenika, a indirektno više od 20.000 učenika, jer su značajne količine navedenih publikacija djeci podjeljene u okviru dječijeg časopisa „Vesela sveska“, kao i po školama i auto-moto klubovima za daljnje saobraćajno-preventivno djelovanje.

Predstavnici osnovnih škola su iskazali zahvalnost, te izrazili želju, ali i potrebu, da i ubuduće nastavimo sa ovim i sličnim aktivnostima.

Realizujući navedenu kampanju kroz predavanja i kvizove primjećen je znatno nizak nivo znanja djece iz oblasti saobraćajne problematike, s posebnim osvrtom na poznavanje značaja katadioptera, odnosno reflektirajućih materijala na odjevnim predmetima i školskim torbama, te smatramo da bi i ubuduće trebalo nastaviti sa aktivnostima ovakvog tipa s mogućnošću proširenja na znatno veći broj škola, odnosno djece.

Također, bilo bi veoma poželjno u nekom narednom periodu organizovati seminar za sve nastavnike koji rade sa učenicima u okviru školskih saobraćajnih sekcija, čime bi ih dodatno educirali i informisali, kako bi isti usvojena znanja mogli prenijeti na učenike.

Akciju je tokom njene realizacije pratio značajan broj medija u svim sredinama, što ovim aktivnostima daje veoma značajnu dimenziju.

